

列

子

列子卷六

唐通事舍人盧重元解

力命第六

命者必定之分非力不成力者進取之力非命不就其命者必資其力有其力者

或副其命亦有力之不能致者无命也恃命而不力求者候時也信命不信力者失之遠矣信力不

信命者亦非當也

力謂命曰若之功奚若我哉命曰汝奚功於物而欲比  
朕力曰壽夭窮達貴賤貧富我力之所能也命曰彭祖  
之智不出堯舜之上而壽八百顏淵之才不出衆人之  
下而壽四八仲尼之德不出諸侯之下而困於陳蔡殷  
紂之行不出三仁之上而居君位季札無爵於吳田恒

專有齊國夷齊餓於首陽季氏富於展禽若是汝力之  
所能奈何壽彼而夭此窮聖而達逆賤賢而貴愚貧善  
而富惡邪力曰若如若言我固無功於物而物若此邪  
此則若之所制邪命曰既謂之命奈何有制之者邪朕  
直而推之曲而任之自壽自夭自窮自達自貴自賤自  
富自貧朕豈能識之哉朕豈能識之哉命者天也力者  
人也命能成之  
力能運之故曰運命也莊子曰知不可奈何安之若命  
是力不能運也孔子曰五十而知天命不知命無以爲  
君子也然歷國應聘而思  
執鞭之士是不忘力也北宮子謂西門子曰朕與子  
並世也而人子達並族也而人子敬並貌也而人子愛  
並言也而人子庸並行也而人子誠並仕也而人子貴

並農也而人子富並商也而人子利朕衣則桓褐食則  
粢糲居則蓬室出則徒行子衣則文錦食則梁肉居則  
連櫪出則結駟在家熙然有棄朕之心在朝諤然有傲  
朕之色請謂不相及遨遊不同行固有年矣子自以德  
過朕邪西門子曰子無以知其實汝造事而窮子造事  
而達此厚薄之驗歟吾所造皆達汝所造皆窮德之厚薄可見矣而皆謂與  
予並汝之顏厚矣北宮子無以應自失而歸中塗遇東  
郭先生先生曰汝奚往而反僂僂○案釋文本或作踽而步有深  
愧之色邪北宮子言其狀東郭先生曰吾將舍汝之愧  
與汝更之西門氏而問之曰汝奚辱北宮子之深乎固

且言之西門子曰北宮子言世族年貌言行與予並而  
賤貴貧富與予異予語之曰予無以知其實汝造事而  
窮予造事而達此將厚薄之驗歟而皆謂與予並汝之  
顏厚矣東郭先生曰汝之言厚薄不過言才德之差吾  
之言厚薄異於是矣夫北宮子厚於德薄於命汝厚於  
命薄於德汝之達非智得也北宮子之窮非愚失也皆  
天也非人也而汝以命厚自矜北宮子以德厚自愧皆  
不識夫固然之理西門子曰先生止矣予不敢復言

西門

子求之而遂命也北宮子求之不遂亦命也  
不知命則有自矜之色自矜則無憂愧之心  
得與不得非智愚非才德也西門子不敢復言  
者知命之遂不敢恃德也北宮子既歸衣其短褐有

狐貉之溫進其莪菽有稻粱之味庇其蓬室若廣廈之

蔭乘其輶輅若文軒之飾終身道然不知榮辱之在彼

也在我也知命則不憂不愧亦不知德之厚薄也東郭先生聞之曰北宮

子之寐久矣一言而能寤易恒○案釋文或作悟非也哉寐者言

及其寤也乃恒之常耳管夷吾鮑叔牙二人相友甚戚同處於齊

管夷吾事公子糾鮑叔牙事公子小白齊公族多寵嫡

庶並行國人懼亂管仲與召○案釋文忽奉公子糾奔

魯鮑叔奉公子小白奔莒既而公孫無知作亂齊無君

二公子爭入管夷吾與小白戰於莒道射中小白帶鉤

小白既立脅○案釋文又作擣魯殺子糾召忽死之管夷吾被

囚鮑叔牙謂桓公曰管夷吾能可以治國桓公曰我讎也願殺之鮑叔牙曰吾聞賢君無私怨且人能爲其主亦必能爲人君如欲霸王非夷吾其弗可君必舍之遂召管仲魯歸之齊鮑叔牙郊迎釋其囚桓公禮之而位於高國之上鮑叔牙以身下之任以國政號曰仲父桓公遂霸管仲嘗歎曰吾少窮困時嘗與鮑叔賈分財多自與鮑叔不以我爲貧知我貧也吾嘗爲鮑叔謀事而大窮困鮑叔不以我爲愚知時有利不利也吾嘗三仕三見逐於君鮑叔不以我爲不肖知我不遭時也吾嘗三戰三北鮑叔不以我爲怯知我有老母也公子糾敗

召忽死之吾幽囚受辱鮑叔不以我爲無恥知我不羞

小節而恥名不顯於天下也生我者父母知我者鮑叔

也此世稱管鮑善交者小白善用能者然實無善交實

無用能也實無善交實無用能者非更有善交更有善

用能也言其命之所應用則因交而獲申非是更別有善交用能也然則恃才獲用者命也因交而達

者力也非惟天時抑有人謀人力而遂者皆歸於命命之來也鮑叔不得不盡力桓公不得不用之皆命矣夫

召忽非能死不死鮑叔非能舉賢不得不舉小白

非能用讎不得不用皆命成於力力成於命非有私焉及管夷吾有病

小白問之曰仲父之病病○紫張湛本作疾矣可不諱云將死不可

諱言至於大病則寡人惡乎屬國而可夷吾曰公誰欲與



小白曰鮑叔牙可曰不可其爲人也潔廉善士也其於  
不已若者不比之人一聞人之過終身不忘使之理國  
上且鈎乎君下且逆乎民其得罪於君也將弗久矣小  
白曰然則孰可對曰勿已則隰朋可其爲人也上忘而  
下不叛愧其不若黃帝而哀不已若者自忘其高自愧  
無德則進善之  
志深矣不如已者哀而  
憐之則下人不離叛矣以德分人謂之聖人以財分人  
謂之賢人以賢臨人未有得人者也以賢下人者未有  
不得人者也其於國有不聞也其於家有不見也勿已  
則隰朋可不責物之常情是不聞於國也  
不求人之小過是不見於家也然則管夷吾  
非薄鮑叔也不得不薄非厚隰朋也不得不厚厚之於

始或薄之於終薄之於終或厚之於始厚薄之去來弗

由我也

夷吾之情非有厚薄此公薦也薦之則為厚不薦則為薄此皆力也桓公既不用鮑叔鮑叔之

命也用隔朋隔明之命也使鮑叔無命而夷吾雖施力亦無益也鄧析操

兩可之說設無窮之辭當子產執政作竹刑鄭國用之

數難子產之治子產屈之子產執而戮之俄而誅之然

則子產非能用竹刑不得不用鄧析非能屈子產不得

不屈子產非能誅鄧析不得不誅也

作法者力也受戮者命也用其法者

亦力也誅其身者亦命也力其事者才也才不遇者亦命也

可以生而生天福也可

以死而死天福也

居可生之時而得其生者為天福也居可死之時而得其死者亦天福也

如夷吾求生於齊桓之時而得遂其生者信為天福也如鋤麋之觸槐以取喪不辱君命不傷賢才得遂其死

垂名不朽亦天福也。可以生而不生，天罰也；可以死而不死，天罰也。

居榮泰之地，處崇高之位，是可以生而不得生，如董賢之類是也；居困辱之地，處屯苦之中，是可以死而不得死，如人彘之類是也。

求之，不遂，皆爲天罰也。可以生可以死，得生得死，有矣，不可以生不可以死，或死或生，有矣，然而生生死死，非物非我，皆命也。

智之所無，奈何？不由於物，亦不由我，知不能運力，不能成。

然後可以故曰：窈然無際，天道自會；漠然無分，天道自任。命矣。

運天地不能犯，聖智不能干，鬼魅○案釋文作媚，或作魅。不能欺。

自然者，默之成之，平之寧之，將之迎之。若合道成命，天地不能違聖智。

不能干，運用合理，應變如神，鬼魅所不能欺，何況於人事乎？楊朱之友曰：季梁、季梁。

得疾七日，大漸，其子環而泣之，請醫。季梁謂楊朱曰：吾

子不肖如此之甚汝奚不爲我歌以曉之楊朱歌曰天

其弗識人胡能覺匪祐自天弗孽由人我乎汝乎其弗

知乎醫乎巫乎其知之乎其子弗曉終謁三醫

其子謁醫夫天

命不能識乎人亦何能覺之耶天不別加福人亦不爲過而遇病者此其命也夫我與汝尚不能知醫與巫何能知乎又將歌意我與爾能此疾我不

○案歌意下注有脫誤

一曰矯氏二曰

俞氏三曰盧氏診其所疾矯氏謂季梁曰汝寒溫不接

虛實失度病由飢飽色欲精慮煩散非天

○案張湛非本作天

鬼雖漸可攻也季梁曰衆醫也亟屏之俞氏曰汝始則

胎氣不足乳潼有餘病非一朝一夕之故其所由來漸

矣弗可已也季梁曰良醫也且食之

矯氏所說之病皆人事之失闕乎力

者也俞氏所說之病與形俱生受氣不足不可差也盧氏曰汝疾不由天亦不由

人亦不由鬼稟生受形既有制之者矣亦有知之者矣

藥石其如汝何季梁曰神醫也重貺遣之俄而季梁之

疾自瘳

盧氏所說之病乃由乎神神之所造有功有過形者報神之器也神以制之矣未受於形神以

知之矣神既不足形乃隨之長短美醜質形已定矣生藥石豈能愈之季梁以爲神醫修神養德而病自愈

非貴之所能存身非愛之所能厚生亦非賤之所能夭

身亦非輕之所能薄故貴之或不生賤之或不死愛之

或不厚輕之或不薄此似反也非反也此自生自死自

厚自薄或貴之而生或賤之而死或愛之而厚或輕之

而薄此似順也非順也此亦自生自死自厚自薄鬻熊

語文王曰自長非所增自短非所損算之所亡若何若

形報為則無以其私情私情者有貴有愛有賤有薄者也形骸不由情之所厚薄則得之似順違之似反其實非反非順也亦猶長短好醜豈由情愛所遷耶智算所無可奈何也○素報為為字疑誤老聃語闕

尹曰天之所惡孰知其故言迎天意揣利害不如其已

夫不知道者寧知天之所愛惡乎若預迎天意揣度利害以徇私情不知順理而任命也此章言力不能違命之修神養真造業之始創力轉命以我乎天者也○素知道下疑楊布問曰有人於此年兄弟也言○案釋文有脫誤

貴財字一作兄弟也才兄弟也貌兄弟也而壽夭父子也本作言

貴賤父子也名譽父子也憎愛父子也吾惑之年言才貌相似

也故云兄弟也壽夭貴賤隔懸也故楊子曰古之人有

言吾嘗識之將以告若不知所以然而然命也今昏昏

昧昧紛紛若若隨所為隨所不為日去日來孰知其故

皆命也夫日衆人所不知以為自然昏昏昧昧日去信命

者亡壽夭信理者亡是非信心者亡逆順信性者亡安

危則謂之都亡所信亡所不信真矣慤矣奚去奚就奚

哀奚樂奚奚為奚不為壽夭者命也是非者理也逆順者

謂之都亡所信亡所不信然後至於真道也亦何去何

就何哀何樂何所為何所黃帝之書云至人居若死動

若械○案釋文本又作戒亦不知所以居亦不知所以不居亦不

知所以動亦不知所以不動亦不以衆人之觀易其情

貌亦不謂衆人之不觀不易其情貌獨往獨來獨出獨

入孰能礙

○案釋文作礙之居若死無心也動若械用機闕也

情不在乎貌也神遊墨

○案方言作墨音目墨墨古字通

屎默詐佯單

而已矣孰能礙之邪

輕動之

嘽嘽

迂緩之

慙慙

○案此節似缺盧注方言

慙慙也郭璞注慙慙急性

也後漢書董卓傳敝腸狗態李賢注敝作慙方言惡也慙當作慙

四人相與游於世胥

如志也窮年不相知情自以智之深也

同游於世終年不相知名自以

爲善

巧佞

辯諂之

愚直

質朴之

婣斫

慙駭之便辟折旋

四人相與游於世胥如志也窮年而不相語術自以巧

之微也

同游於世終年不相訪各自以爲巧妙也

繆

○案文選左思吳都賦繆繆也據此

繆繆也據此

怵

頑戾強

情露

不隱之

讓極

○釋文



極作極極或作極極皆非是案方凌諱尋間語責四人相

與游於世胥如志也窮年而○案張湛不相曉悟自以

為才之得也各自以眠姪無精采詭諉之貌並煩重勇敢雄

也之狀怯疑懦弱不決之狀四人相與游於世胥如志也窮年不

相適發自以行無戾也各自以為適宜多偶和同之自

專獨任之秉權用勢之隻立孤介之四人相與游於世

胥如志也窮年不相顧眄自以時之適也此眾態也貌

不一而咸之於道命所歸也變詐巧辯愚拙佞直眾態

然矣今說者言受氣有厚薄故如此不同皆以為命者理不

天更無可奈何者此不知者也故知道之士養其神含

其真易其慮變其身彼形骸自我而造也力其行移其

命此皆生生者之功美矣然則因形以辯命則力不如

命因力以微形僂僂與張湛本不同○案盧注作魏魏成者俏成也魏

者幾欲之狀初非成也僂僂敗者俏敗者也初非敗也

也俏者似也初非成也僂僂敗者俏敗者也初非敗也

已欲成而不敗者似於成而非成也故迷生於俏俏之

垂欲敗而不敗者似於敗而非敗也故迷生於俏俏之

際昧然於俏而不昧然人之所迷生於似者也不了也

然斯謂則不駭外禍不喜內福隨時動隨時止智不能

明也所謂明者了於性通於神力之所以生命之所以

知也成故無外禍可駭懼無內福可忻喜動止隨時不

須智信命者於彼我無二心於彼我而有二心者不若

度也揜目塞耳背坂面墮亦不墜仆也若能彼我無二心則

不能知命任理則全身遠害且免傾墜顛仆故曰死生

也是以世人不志於力求而不能委於命也故曰死生

自命也貧窮自時也子夏曰死生有命富貴在天天者

時也陽和布氣羣物皆生聖人利

見舍靈俱暢自我而定謂之命因化所及謂之時也怨夭折者不知命者也怨貧

窮者不知時者也當死不懼在窮不戚知命安時也知命

安時德之大也時來不可俱命至不可却故曰安時其而處順憂樂不能入迷生於肖似戚生於不知時焉

使多智之人量利害料虛實度人情得亦中亡亦中其

少智之人不量利害不料虛實不度人情得亦中亡亦

中量與不量料與不料度與不度奚以異凡料天下之事十得五中

者必爲善料也而少智不料亦得半矣有何異也唯亡所量亡所不量則全而

亡喪亦非知全亦非知喪自全也自亡也自喪也假使勤心

苦志料得其半則不如無料而全其生勞思慮者不知命無所料者不知力不知力者乃近於道矣故去彼取

此而齊景公游於牛山北臨其國城而流涕曰美哉國

乎鬱鬱芊芊若何滴滴

○案釋文或作滂滂

去此國而死乎使古

無死者寡人將去斯而之何史

○案張湛本作艾晏子春秋亦作艾釋文云一

本作孔梁丘據皆從而泣曰臣賴君之賜疏食惡肉可

得而食駑馬稜

○案釋文當作棧晏子春秋亦作棧

車可得而乘也且猶

不欲死而况吾君乎晏子獨笑於旁公雪涕而顧晏子

曰寡人今日之游悲孔與據皆從寡人而泣子之獨笑

何也晏子對曰使賢者常守之大公桓公將常守之矣

使有勇者而常守之則莊公靈公將常守之矣數君者

將守之吾君方將被蓑笠而立乎畎畝之中唯事之恤

行假念死乎

死而復生者人咸歸於釋論道書與儒教

笠而立乎畎畝之中者則死生之理灼然可詳矣則吾是知力以成命成命而後生則生生之功可見矣則吾君又安得此位而立焉以其迭處之迭去之至於君也而獨爲之流涕是不仁也見不仁之君見諂諛之臣臣見此二者臣之所爲獨竊笑也景公慚焉舉觴自罰罰二臣者各二觴焉魏人有東門吳者其子死而不憂其相室曰公之愛子天下無有今子死不憂何也東門吳曰吾常無子無子之時不憂今子死乃與嚮無子同臣奚憂焉農赴時商趣利工追術仕逐勢勢使然也然農有水旱商有得失工有成敗仕有遇否命使然也夫士農工商各趣利而逐勢者力所爲也水旱成敗否泰者力所不能成則委命以自安之是收其櫟榆而不損護也世

人皆以無可奈何乃推之於命耳不能力求者迷於似  
得者也東門吳善安於命者也非謂善於知命者也若  
生者有生是得夫所以迭處迭去也若知命者復安肯委命於  
生者是得夫所以迭處迭去也若知命者當委命而任  
力焉○素注  
標掄句未詳

列子卷六

嘉慶八年癸亥夏四月廿泉吳連寫  
江都秦伯敦父校刊計十一葉

列子卷七

唐通事舍人盧

楊朱第七

夫君子殉名小人死利唯名與利皆情之所溺俗人所爭焉故體道之人也為善不

近名不趨俗人之所競為惡不近刑不行俗人之所非違道以求名溺情以從欲俾失其中也故有道者不居焉此言似反學者多疑然則楊朱之篇亦何殊於盜跖也

楊朱游於魯舍於孟氏孟氏問曰人而已矣奚以名為  
曰以名者為富既富矣奚不已焉曰為貴既貴矣奚不  
已焉曰為死既死矣奚為焉曰為子孫名奚益於子孫  
曰名乃苦其身焦其心棄其名者澤及宗族利兼鄉黨  
況子孫乎凡為名者必廉廉斯貧為名者必讓讓斯賤



夫人之生世也唯名與利聖人以名利釣之則小人死  
於利君子死於名無有不至者也善惡雖殊俱有求也  
然而求名而遂者豈唯取富貴乃榮及子孫利黨  
矣雖苦身焦心勤於廉讓者志有所望而情有所忘俱  
失中也 曰管仲之相齊也君淫亦淫君奢亦奢志合言從

道行國霸死之後管氏而已

實名之利薄也

田氏之相齊也君

盈則已降君歛則已施民皆歸之因有齊國子孫享之

至今不絕

偽名之利深也

若實名貧偽名富曰實無名名無實

名者偽而已矣

行實者無其名求名者無其實故不偽則利不彰也

昔者堯舜偽

以天下讓許由善卷而不失天下享祚百年伯夷叔齊

實以孤竹君讓而終亡其國餓死於首陽之山實偽之

辯如此其省也

偽者取名而無實真者實行而忘名堯舜之與夷齊炳然如此真偽之迹耳不

易察哉世人若不殉名利而失真則溺情慾而忘道矣  
天下善人少不善人多則殉名者稀從慾者衆雖有智  
者亦無可奈何蓋俱失中也楊朱曰百年壽之大齊得百年者千無

一焉設有一者孩抱以逮昏老幾居其半矣夜眠之所  
弭晝覺之所遺又幾居其半矣痛疾哀苦亡失憂懼又  
幾居其半矣量十數年之中道然而自得亡介焉之慮  
者亦亡一時之中爾則人之生也奚爲哉奚樂哉爲美

厚爾爲聲色爾而美厚復不可常厭○案釋文一本作  
厭古厭饜壓三字

通說文無饜字於甘部厭字下訓  
飽也从甘从朕是獸爲饜本字足聲色不可常翫聞

乃復爲刑賞之所禁勸名法之所進退遑遑爾競一時

之虛譽規死後之餘榮僞僞爾順○案張湛本釋文皆  
作慎釋文云一本作

順古順慎二字通易履霜堅冰蓋言順也順即慎耳目之觀聽惜身意之是非

徒失當年之至樂不能自肆於一時重囚累梏何以異

哉舉俗之人咸以百年為一生之期而復晝夜哀苦之

所減矣泰然稱情者無多時焉稱情之事不過稱聲

色美味而復以刑賞名教之所束縛不得肆其太古之

情亦何以異乎囚繫桎梏者此皆滯情之言也太古之

人知生之暫來死之暫往故從心而動不違自然所好

當身之娛非所去也故不為名所觀○案張湛本作勸釋文一本作觀

從性而游不逆萬物所好死後之名非所取也故不為

刑所及名譽先後年命多少非所量也舉太古之人者適其中也夫有生有死者形也出生入死者神也知死生之暫來暫往也則不急急以求名知神明之不死不生也則不遑遑

以為道故從心而動不違自然所好也娛身而已矣何

用於名焉故從性而游不逆萬物所嗜也適意而已矣

何懼於刑焉是以名譽年命非所料量楊朱曰萬物所  
也娛身適意者動與道合非溺於情也  
異者生也所同者死也生則有賢愚貴賤是所異也死  
則有臭腐消滅是所同也雖然賢愚貴賤非所能也臭  
腐消滅亦非所能也故生非所生死非所死賢非所賢  
愚非所愚貴非所貴賤非所賤然而萬物齊生齊死齊  
賢齊愚齊貴齊賤十年亦死百年亦死仁聖亦死凶愚  
亦死生則堯舜死則腐骨生則桀紂死則腐骨腐骨一  
矣孰知其異且趣當生奚遑死後生者一身之報也死  
者一報之盡也賢愚  
貴賤生物之殊也故為異焉臭腐消滅死物之常也故  
為同焉世人皆指形以為死生不知形外之有神神之  
去也一無知耳故賢愚貴賤臭腐消滅皆形所不能  
也亦不自能則含生之質未嘗不齊人皆知其所齊不知

其所以異且競當生不設養楊朱曰伯夷非亡欲矜清  
所生故有道者不同於茲矣

之卸

○案當作郵爾雅釋言郵過也釋文音尤下同

以放餓死展季非亡情矜

貞之卸以放寡宗清貞之誤善之若此

殉名之過實以至於此非所以

體真全道忘名證實者也

楊朱曰原憲窶於魯子貢殖於衛原憲之

窶損生子貢之殖累身然則窶亦不可殖亦不可其可

焉在曰可在樂生可在逸身故善樂生者不窶善逸身

者不殖

固窮而不力求損於生者也貨殖而爲命累於身者也唯有道者不貨殖以逸其身不守窮以

苦其生樂道全真應物無滯也

楊朱曰古語有之生相憐死相捐此語

至矣相憐之道非唯情也勤能使逸飢能使飽寒能使

溫窮能使達也相捐之道非不相哀也不含珠玉不服

文錦不陳犧牲不設明器也

皆知相憐相捐之道爲至矣

在於贍濟乎生相捐在於無累乎形此爲至當矣若生不能贍之令安死則徒埋珠寶以眩名招寇盜以重傷是失其

晏平仲問養生於管夷吾管夷吾曰肆之而已

宜矣勿墜勿闕晏平仲曰其目奈何夷吾曰恣耳之所欲聽

恣目之所欲視恣鼻之所欲向恣口之所欲言恣體之

所欲安姿意之所欲行夫耳之所欲聞者音聲而不得

聽謂之闕聰目之所欲見者美色而不得視謂之闕明

鼻之所欲向者椒蘭而不得嗅謂之闕顫

○案釋文口與顫字同

之所欲道者是非而不得言謂之闕智體之所欲安者

美厚而不得從謂之闕適意之所欲爲者放逸而不得

行謂之闕性凡此諸闕廢虐之主去廢虐之主熙熙然  
以俟死一日一月一年十年吾所謂養拘此廢虐之主  
錄而不舍戚戚然以至久生百年千年萬年非吾所謂  
養夷吾之才足以相霸主振頹綱而布奢淫之情足以  
件將來敗風俗故夫子賞其才也則曰微管仲吾其  
被髮左衽矣惡其失禮也則曰管仲之器小哉管氏而  
知禮孰不知禮列子因才高之人以極其嗜慾之志今  
有道者知其失焉然縱耳目之情窮聲色之欲者俗人  
之常心也故極而肆之以彰其惡耳非所以垂訓來世  
法則後管夷吾曰吾既告子養生矣送死奈何晏平仲  
人者也曰送死畧矣將何以告焉管夷吾曰吾固欲聞之平仲  
曰既死豈在我哉焚之亦可沈之亦可瘞之亦可露之  
亦可衣薪而棄諸溝壑亦可衮文繡裳而納諸石椁亦

可唯所遇焉

俗人殉欲之志深送死之情薄薄則易為

薄其死則羣情所易從列子乃因侈者以肆情因

儉者以節禮故王孫之輩良吏謹之失其中道也

管夷

吾顧謂鮑叔黃子曰生死之道吾二人進之矣我既不由

任物以處之此世人謂死為無知者也若由我者肆情

以樂之此世人謂順情為貴者也若然者堯舜周孔不

足為俗人重桀紂盜跖可為後代師矣豈有道者所處

也至人忘情聖人制禮情忘也則嗜慾不存矣何聲色

焚露之可薄耶縱情之言皆失道也子產相鄭專國之

政三年善者服其化惡者畏其禁鄭國以治諸侯憚之

而有兄曰公孫朝有弟曰公孫穆朝好酒穆好色朝之

室也聚酒千鍾積麴成封望門百步糟○素釋文作漿

醴一本作糟漿之氣逆於人鼻方其荒於酒也不知世道之安危人理



之悔矣○案張湛本作客室內之有亡九族之親疎存亡之哀

樂也雖水火兵刃交於前弗知也穆之後庭比房數十

皆擇稚齒婣者以盈之方其耽○案張湛本作耽下同釋文云本又作耽

於色也屏親昵絕交游逃於後庭以晝足夜三月一出

意猶未愜鄉有處子之娥姣者必賄而招之媒而挑之

弗獲而後已子產日夜以爲戚密造○案釋文作速本作造鄧析

而謀之曰喬○案張湛本作喬喬之省文聞治身以及家治家以及

國此言自於近至於遠也喬爲國則治矣而家則亂矣

其道逆邪將奚方以救二子子其詔之鄧析曰吾怪之

久矣未敢先言子奚不時其治也喻以性命之重誘以

禮義之尊乎

喻以性命誘以禮義者欲止其貪逸之情啗其軒冕之位此皆世俗名利之要歸也

子產用鄧析之言因間以謁其兄弟而告之曰人之所以貴於禽獸者智慮智慮之所將者禮義禮義成則名位至矣若觸情而動耽於嗜慾則性命危矣子納喬之言則朝自悔而夕食祿矣朝穆曰吾知之久矣擇之亦久矣豈待若言而後識之哉凡生之難遇而死之易及以難遇之生俟易及之死可孰念哉而欲尊禮義以夸

○案釋文

人矯情性以招名吾以此爲弗若死矣爲欲作跨下同

盡一生之歡

○案張湛本作觀

窮當年之樂唯患腹溢而不得

恣口之飲力憊而不得肆情於色不遑憂名聲之醜性

命之危也且若以治國之能夸物欲以說

○案釋文辭一本作偽辭

亂我之心榮祿喜我之意不亦鄙而可憐哉我又欲與若別之夫善治外者物未必治而身交苦善治內者物未必亂而性交逸以若之治外其法可暫行於一國未合於人心以我之治內可推之於天下君臣之道息矣吾常欲以此術而喻之若反以彼術而教我哉子產忙

○案釋文作忙然無以應之

殉情耽慾之人詭辭邪辯足以塞聖賢之口亂天下法故桀紂之智

足以飾非少卯之辭足以惑衆雖不屈於一時亦鼓倡於當代故夫子屈盜跖之說子產困於朝穆之言不足多悔也而惑者以爲列子叙之以暢其情張湛注之以爲達其理斯乃鄙俗之常好豈道流之雅術乎

他

日以告鄧析鄧析曰子與真人居而不知也孰謂子智

者乎鄭國之治偶耳非子之功也

夫當才而賞之擇德而任之則賢者日進

而不肖者退矣任必以才善人之道亨通矣退必不肖小人之道不怨矣使賢不肖各安其分適其志則鄭國之治當矣彼二子酣酒而愛色禮義所不修不因父兄之勢以干時縱心嗜慾而不悔此誠真人也而乃欲矯其跡爲其心取祿位以私之是國偶然有以理非子之至公也豈得爲智乎此言真人者非真聖之人乃真不才之人○案注爲其心爲僞古字通荀子性惡篇楊倞注僞爲也矯也凡非天性而人作爲之者謂之僞故爲字人傍爲亦衛端木叔者子貢之世也藉其先貲家累會意字也

萬金不治世故放意所好其生民之所欲爲人意所欲玩者無不爲也無不玩也牆屋臺榭園囿池沼飲食車服聲樂嬪御擬齊楚之君焉至其情所欲好耳所欲聽目所欲視口所欲嘗雖殊方偏國非齊土之所產育

者無不必致之猶藩牆之物也及其游也雖山川阻險塗逕修遠無不必之猶人之行咫尺步也賓客在庭者日

百往庖

○案釋文作脫本又作庖

厨之下不絕烟火堂廡之上不絕

聲樂奉養之餘先散之宗族宗族之餘次散之邑里邑里之餘乃散之一國行年六十氣幹將衰棄其家事都散其庫藏珍寶車服妾媵一年之中盡焉不爲子孫留財及其病也無藥石之儲及其死也無瘞埋之資一國之人受其施者相與賦而藏之反其子孫之財焉禽骨釐聞之曰端木叔狂人也辱其祖矣段干生聞之曰木叔達人也德過其祖矣其所行也其所爲也衆意所驚

而誠理所取衛之君子多以禮教自持固未足以得此  
人之心也孟孫陽問楊子曰有人於此貴生愛身以蘄  
不死可乎曰理無不死以蘄久生可乎曰理無久生生  
非貴之所能存身非愛之所能厚且久生奚爲五情好  
惡古猶今也四體安危古猶今也世事苦樂古猶今也  
變易治亂古猶今也既聞之矣既見之矣既更之矣百  
年猶厭其多況久生之苦也乎孟孫陽曰若然速亡愈  
於久生則踐○案釋文鋒刃入湯火得所志矣楊子曰  
一本作蹈不然既生則廢而任之究其所欲以俟於死將死則廢  
而任之究其所之以放於盡無不廢無不任何遽遲速

於其間乎楊朱曰伯成子高不以一毫利物舍國而隱  
耕大禹不以一身自利一體偏枯古之人損一毫利天  
下不與也悉天下奉一身不取也人人不損一毫人人  
不利天下天下治矣禽子問楊朱曰去子體之一毛以  
濟一世汝爲之乎楊子曰世固非一毛之所濟禽子曰  
假濟爲之乎楊子弗應禽子出語孟孫陽孟孫陽曰子  
不達夫子之心吾請言之有侵若肌膚獲萬金者若爲  
之乎曰爲之孟孫陽曰有斷若一節得一國子爲之乎  
禽子默然有間孟孫陽曰一毛微於肌膚肌膚微於一  
節省矣然則積一毛以成肌膚積肌膚以成一節一毛

生之樂哉楊朱曰人肖天地之類懷五常之性有生之  
最靈者也人者爪牙不足以供守衛肌膚不足以自捍  
禦趨走不足以逃利害無毛羽以禦寒暑必將資物以  
爲養性任智而不恃力故智之所貴存我爲貴力之所  
賤侵物爲賤然身非我有也既生不得不全之物非我  
有也既有不得不去之身固生之主物亦養之主雖全  
生身不可有其身雖不去物不可有其物有其物有其  
身是橫私天下之身橫私天下之物其唯聖人乎公天  
下之身公天下之物其唯至人矣此之謂至至者也楊  
朱曰生民之不得休息爲四事故一爲壽二爲名三爲





梁肉蘭橘心痛體煩內熱生病矣商魯之君與田父侔地則亦不盈一時而憊矣故野人之所安野人之所美謂天下無過者昔者宋國有田夫常衣緼黻僅以過冬暨春東作自曝於日不知天下之有廣廈隙室絛纊狐貉顧謂其妻曰負日之暄人莫知者以獻吾君將有重賞里之富室告之曰昔人有美戎菽甘泉莖芹萍子者對鄉豪稱之鄉豪取而嘗之蜚於口慘於腹衆哂而怨之其人大慙子此類也楊朱曰豐屋美服厚味姣色有此四者何求於外有此而求外者無厭之性無厭之性陰陽之蠹也忠不足以安君適足以危身義不足以利

物適足以害生安上不由於忠而忠名滅焉利物不由  
於義而義名絕焉君臣皆安物我兼利古之道也鬻子  
曰去名者無憂老子曰名者實之賓而悠悠者趨名不  
已名固不可去名固不可賓邪今有名則尊榮亡名則  
卑辱尊榮則逸樂卑辱則憂苦憂苦犯性者也逸樂順  
性者也斯實之所係矣名胡可去名胡可賓但惡夫守  
名而累實守名而累實將恤危亡之不救豈徒逸樂憂  
苦之間哉

○自衛端木叔者以下  
盧注缺佚無從補正

## 列子卷七

嘉慶八年癸亥夏四月甘泉吳連寫  
江都秦伯敦父校刊計十二葉

列子卷八

唐通事舍人盧重元解

說符第八

此篇去末明本約形辯神立事以顯真因名以求實然後知徇情之失道從欲以喪

真故知道者不失其自時任能者不必遠害○案注中自字疑衍

子列子學於壺丘子林壺丘子林曰子知持後則可言

持身矣列子曰願聞持後曰顧若影則知之列子顧而

觀影形枉則影曲形直則影正然則枉直隨形而不在

影屈伸任物而不在我此之謂持後而處先夫影由形立曲直在

於形生形由神存真僞在於神用若見影而形辯知形而神彰不責影以正身不執身以明道觀其末而知其

本因其著而識其微然後能常處先矣關尹謂子列子曰言美則響美言

惡則響惡身長則影長身短則影短名也者響也身也者影也故曰慎爾言將有和之慎爾行將有隨之是故

聖人見出以知入觀往以知來此其所以先知之理也

響之因聲聲善則響美名之因實實善則名真故名者聲之響身者神之影也聲出而響和行習而神隨故聖

人聞響以知聲度在身稽在人人愛我我必愛之人惡見行而知道也

我我必惡之湯武愛天下故王桀紂惡天下故亡此所

稽也禮度在於身稽考在於人若影之應乎形響之應乎聲湯武桀紂其迹可稽也其度可明也愛惡之

心不可不慎也稽度皆明而不道也譬之出不由門行不從徑

○案釋文一本作衛一本也求是求利不亦難乎稽度

作術據注則盧本作衛也求是求利不亦難乎稽度可明而不為道者譬行不由門戶與街衢觀之神農有衛耳欲以求利身於天下者不亦難乎

炎之德稽之虞夏商周之書度諸法士賢人之言所以

存亡廢興而非由此道者未之有也

考其行稽其迹自古帝王賢聖之言

猶人存亡廢興粲然可明若不由此道而爲理者未之有也

嚴恢曰所爲問道者爲

富今得珠亦富矣安用道子列子曰桀紂唯重利而輕

道是以亡幸哉余未汝語也人而無義唯食而已是雞

狗也彊食靡角勝者爲制是禽獸也爲雞狗禽獸矣而

欲人之尊已不可得也人不尊已則危辱及之矣

無乏少者

謂之富非謂求利之富也若重利輕道桀紂所以亡也雞犬禽獸不知仁義爭食恃力不知其他行此則危辱及身欲人之尊已豈可得矣此謂因名求實列子學射中矣請於闕尹子尹

子曰子知子之所以中者乎對曰弗知也闕尹子曰未

可退而習之三年又以報關尹子尹子曰子知子之所  
以中乎列子曰知之矣關尹子曰可矣守而勿失也非  
獨射也爲國與身亦皆如之故聖人不察存亡而察其  
所以然也不知所以中者非善之善者也得之於手應之  
於心命中而中者斯得矣得而守之是謂之道  
也能知其道非獨射焉爲國爲身亦皆如是也善知射  
者不貴其中貴其所以必中也善知理國理身者亦不  
貴其存貴其所以必存也故列子曰色盛者驕力盛者奮  
賢愚理亂可知者有道也列子曰色盛者驕力盛者奮  
未可以語道也故不斑白語道失○案釋文爲句而况  
一本作矣恐誤行之乎故自奮則人莫之告人莫之告則孤而無輔矣  
賢者任人故年老而不衰智盡而不亂故治國之難在  
於知賢而不在自賢俗之所恃者色與力也恃色則驕  
怠之心厚恃力則奮擊之志多不

可以語其道也。色力衰者爲斑白，白首聞道猶不能得。況能行之乎？故守卑弱者道必親之，自強奮者人不肯告。人不肯告，寧有輔佐者乎？賢者任於人，故窮年而神不衰；盡智而心不亂，以此理國者知賢而任之，則賢才爲之用，自賢而無輔則失人矣。宋人有爲其君以玉，○案淮南子作象高誘注象牙也爲楮葉者，三年而成，鋒殺莖柯，毫芒繁澤，亂之楮葉中而不可別也。此人遂以巧食宋國。子列子聞之曰：使天地之生物三年而成一葉，則物之有葉者寡矣。故聖人恃道化而不恃智巧。夫斲雕爲朴還淳之道也。故曰善約者不用膠漆善閉者不用闕鑰。是以大辯若訥，大巧若拙耳。若三年成一葉，與真葉不殊。豈理國全道之巧乎？是以聖人恃其道化，如和氣布而萬物生，不恃智巧也。若違天理而僞巧出，此之爲未明本末也。子列子窮容貌，有飢色。客有言之，鄭子陽者曰：列禦寇蓋有道之士也，居君



之國而窮君無乃爲不好士乎鄭子陽即今官遺之粟

子列子出見使者再拜而辭使者去子列子入其妻望

之而拊心曰妾聞爲有道者之妻子皆得佚樂今有飢

色君遇

○案釋文一本作過或作適

而遺先生食先生不受豈不命

也哉子列子笑謂之曰君非自知我也以人之言而遺

我粟至其罪我也又且以人之言此吾所以不受也其

卒民果作難

○案釋文一本作亂

而殺子陽

夫食人之祿憂人之事君不知我因人之

言而賜之若罪我也亦因人之言而責我也吾所責夫

知我者真悟道之士也及子陽難作而不見害此真所謂不爲外物之

所傷累者也魯施氏有二子其一好學其一好兵好

學者以術干齊侯齊侯納之以

○案張湛本無以字

爲諸公子之

傳好兵者之楚以法干楚王王悅之以爲軍正祿富其

家爵榮其親施氏之鄰人孟氏同有二子所業亦同而

窘於貧羨施氏之有因從謂○案張湛本作請釋文一本作謂恐誤進趣

○案張湛本作越之方二子以實告孟氏孟氏之一子之秦以

術干秦王秦王曰當今諸侯力爭所務兵食而已若用

仁義治吾國是滅亡之道遂宮而放之其一子之衛以

法干衛侯衛侯曰吾弱國也而攝乎大國之間大國吾

事之小國吾撫之是求安之道若賴兵權滅亡可待矣

若全而歸之適於他國爲吾之患不輕矣遂刖之而還

諸魯既反孟氏之父子叩胃而讓施氏施氏曰凡得時

者昌失時者亡子道與吾同而功與吾異失時者也非  
 行之謬也且天下理無常是事無常非先日所用今或  
 棄之今之所棄後或用之此用與不用無定是非也投  
 隙抵時應事無方屬乎智智苟不○案釋文一足使若  
 本○案張湛博如孔丘術如呂尚焉往而不窮哉孟氏父

子舍然無愠容曰吾知之矣子勿重言○學仁義之道善

雖殊同歸於才行之用必因智之適時智者道之用任  
 智則非道矣夫投必中隙抵必適時應變無方皆為智  
 也故適時者無窘才明道者無乏智智若不足也雖文  
 若孔丘武若呂尚不免乎窮困也孟氏既悟故曰勿重  
 言耳晉文公出會欲伐衛公子鋤仰天而笑公問何笑曰  
 臣笑鄰之人有送其妻適私家者道見桑婦悅而與言

然顧視其妻亦有招之者矣臣竊笑此也公寤其言乃

止引師而還未至而有伐其北鄙者矣

夫貪於得而不知得有所守者

俗人之常情也故嗜欲無窮而真道日喪矣所以貴夫

知道者內守其道而不失外用於物而不遺世人則不

然矣外貪欲色他婦是悅也內失於道者而已晉國苦

妻見招矣○案注中得有所守得字疑是衍文盜有郄雍者能視盜之眼察其眉睫之間而得其情晉

侯使視盜千百無遺一焉晉侯大喜告趙文子曰吾得

一人而一國盜爲盡矣奚用多爲文子曰吾君恃伺察

而得盜盜不盡矣且郄雍必不得其死焉俄而羣盜謀

曰吾所窮者郄雍也遂共盜而殘

○案釋文作殘一本作殘之晉侯

聞而大駭

○案釋文作駭

立召文子而告之曰果如子言郄雍

死矣然取何方文子曰周諺有言察見淵魚者不祥智料隱匿者有殃且君欲無盜莫若舉賢而任之使教明於上化行於下民有恥心則何盜之爲於是用隨會知政而羣盜奔秦焉教者跡也衆人所以日用而心伏心伏則有恥跡明則教成舉賢任才盜斯奔矣或問曰莊子云聖人生而大盜起此云舉賢任才而羣盜去何謂邪答曰求虛名而喪其實者大盜斯起矣得其實而去爲名者羣盜斯去矣故舉賢而任才者求名也用隨會者得實也理不相違孔子自衛反魯息駕乎河梁而觀焉有何疑之有耶

懸水三十仞園流九十里魚鼈弗能游鼃鼃弗能居有一丈夫方將厲之孔子使人並涯止之曰此懸水三十仞園流九十里魚鼈弗能游鼃鼃弗能居也意者難可

以濟乎丈夫不以錯意遂度而出孔子問之曰巧乎有道術乎所以能入而出者何也丈夫對曰始吾之入也先以忠信及吾之出也又從以忠信忠信錯吾軀於波流而吾不敢用私所以能入而復出者以此也孔子謂弟子曰二三子識之水且猶可以忠信誠身親之而況人乎夫忠者同於物信者無所疑同而不疑不私其己故能入而復出也然則同而不疑不私其己知道矣夫黃帝篇中已有此章白公問孔子曰人可與微言乎孔子不應微言者密言也今人不能知也白公楚平王之孫太子建之子建出奔鄭白公欲亂故孔子不應耳白公問曰若以石投水何如孔子曰吳之善沒者能取之曰若以水投水何如孔子曰淄澠之合易牙嘗而知之

石以

投水喻跡不可見以水投水喻合不可隱也味  
者分淄澁不可合也唯神契理會然後得也 白公曰

人故不可與微言乎孔子曰何爲不可唯知言之謂者

乎夫知言之謂者不以言言也夫情生而事彰味殊而可嘗唯神之無方知言

之謂者神會也爭魚者濡逐獸者趨非樂之也故至言去言至

爲無爲夫淺知之所爭者末矣魚在於水爭之者濡獸走於野逐之者趨非樂

之也其勢使然也故至言者不在言至爲者無所爲白也淺智逐末常失其理道之所行物無不當者矣

公不得已遂死於浴室忽而非理死以快意趙襄子使下愚之所以亂常也

新穉穆子攻翟勝之取左人中人使遽人來○案張湛本無來字

謁之捷也襄子方食而有憂色左右曰一朝而兩城

下此人之所喜也今君有憂色何也襄子曰夫江河之

大也不過三日飄風暴雨不終朝日中不須臾今趙氏

之德行無所施於積一朝而兩城下亡其及我哉不能積德

累行而以強力下二城夫物盛必衰不亡何待耶故貪不以忻賢者所以懼知苟得之所以懼也然後能積其

德孔子聞之曰趙氏其昌乎夫憂者所以為昌也喜者

所以為亡也勝非其難者也持之其難者也賢主以此

持勝故其福及後世齊楚吳越皆嘗勝矣然卒取亡焉

不達乎持勝也唯有道之主為能持勝矜功伐能所以

所以昌也賢者以此福及後代道者以此澤被舍生此

之謂持勝持勝者持此誠慎勝彼強梁唯有道者所能

也孔子之勁能拓○案釋文一本作招李善文選吳國

都賦注招與翹同淮南子亦作招門之闢而不肯以力聞墨子為守攻公輸般服而不肯



以兵知故善持勝者以彊爲弱夫子之力能舉關墨子之善能制敵不以力謀顯而所以道德聞者善此持勝以彊爲弱也夫藝成者必爲人所役好勝者必遇於彊敵唯道德仁義者可以役物而興宋人有好行仁義者三世不懈家無故黑牛生化者也白犢以問孔子孔子曰此吉祥也以薦上帝居一年其父無故而盲其牛又復生白犢其父又復令其子問孔子其子曰前問之而失明又何問乎父曰聖人之言先迓後合其事未究姑復問之其子又復問孔子孔子曰吉祥也復教以祭其子歸致命其父曰行孔子之言也居一年其子又無故而盲其後楚攻宋圍其城民易子而食之析骸而炊之丁壯者皆乘城而戰死者大半此

人以父子有疾皆免及圍解而疾俱復

夫仁者愛人義者濟物三世不

息其於積善深矣若有其才則招祿無其才則致福此餘慶之所鍾也吉祥之應爲善之徵克全其生而獲其利積行之報

豈虛言也哉

宋有蘭

○案釋文史記應劭注蘭安也疑蘭與蘭同

子者以技

干宋元宋元召而使見其技以雙枝長倍其身屬其蹠

並趨並馳弄七劍迭而躍之五劍常在空中元君大驚

立賜金帛又有蘭子又能燕戲者聞之復以千元元

君大怒曰昔有異技干寡人者技無庸適值寡人有歡

心故賜金帛彼必聞此而進復望吾賞拘而擬戮之經

月乃放

夫積仁義以守道者福可全也恃力技以僥倖不常祿也列子兩舉其事以彰德行之爲益耳

秦穆公謂伯樂曰子之年長矣子姓有可使求馬者乎

伯樂對曰良馬可形容筋骨相也天下之馬者若滅若

沒若亡若失若此者絕塵弭蹴○案釋文一本作微臣之子皆下

才也可告以良馬不可告以天下之馬也臣有所與共

○案釋文擔纏薪菜者有九方臯○案淮南子作堙比○案張

文皆作此釋文其於馬非臣之下也請見之○案淮南子作堙比○案張

云一本作此其於馬非臣之下也請見之○案淮南子作堙比○案張

也子姓者子弟穆公見之使行求馬三月而反報曰已

得之矣在沙丘穆公曰何馬也對曰牝而黃使人往取

之牡而驪穆公不說召伯樂而謂之曰敗矣子所使求

馬者色物牝牡尚弗能知又何馬之能知也伯樂喟然

太息曰一至於此乎是乃其所以千萬臣而無數者也

臯之相馬相其神不相其形也形者常人之所辨也伯樂數其忘形而得神用心一至於此自以爲不及臯之無數倍也故穆公以爲伯樂以爲能也若臯之所觀天機也得其精忘其爲敗伯樂以爲能也若臯之所觀天機也得其精忘其麤在其內而忘其外見其所見不見其所不見視其所視而遺其所不視若臯之相馬乃有貴乎馬者也馬至果天下之馬也夫形質者萬物之著也神氣者無象之微也運有形者無象也用無象者形物也終日用之而不知其功終年運之而不以爲勞知而養之者道之主也臯之見乎所見者以神也契其神者而貴於馬也代人皆不知所貴矣楚莊王問詹何曰治國奈何詹何對曰臣明於治身而不明於治國也楚莊王曰寡人得奉宗廟社稷願學所以守之詹何對曰臣未嘗聞身治而國亂者也又未嘗聞身亂而國治者也故本在身不敢

對以末楚王曰善

損物以厚生小人之常情也損生以利物好名之詭行也安社稷者後其身也善理身者國自理之矣君者國之主神者形之主

理國在乎安君理身在乎安神神安則道崇道崇則國之功故不敢以末對狐工丈人謂孫叔敖曰人有三

怨子知之乎孫叔敖曰何謂也對曰爵高者人妬之官

大者主惡之祿厚者怨逮之孫叔敖曰吾爵益高吾志

益下吾官益大吾心益小吾祿益厚吾施益博以是免

於三怨可乎

夫心益下者道之用也施益博者德之用也

者主恩惠也向之三怨復從何而生哉

孫叔敖疾將死戒其子曰王亟封

我矣吾不受也爲我死王則封汝汝必無受利地楚越

之間有寢丘者此地不利而名甚惡楚人鬼而越人機

機字巨衣切又居希切淮南傳曰吳人鬼越人幾幾祥也○案今本淮南子吳作荆幾作機說文解字幾字下引淮南傳曰吳人鬼越可長有者唯此也孫叔敖死王人幾幾乃幾字之誤

果以美地封其子子辭而不受請寢丘與之至今不失

人所爭者有力必取之利之薄者人所不用焉不爭之物則久有其利必爭之物則不能常保人知利厚而共爭不知長有而利深故嗜慾者必爭之地也全道者牛長久之方也善於道者觸類而長之何適而非道

缺者上地之大儒也下之邯鄲遇盜於耦沙之中盡取

其衣裝車牛步而去視之歡然無憂矣之色盜追而問

其故曰君子不以所養害其所養盜曰嘻賢矣夫既而

相謂曰以彼之賢往見趙君便以我爲必困○案釋文往見趙君

以我爲事必困我爲句又云一本云往見趙君我不如便以我爲必困與今本同張湛本便字作使字

殺之乃相與追而殺之燕人聞之聚族相戒曰遇盜莫  
如上地之牛缺也皆受教俄而其弟適秦至闕下果遇  
盜憶其兄之戒因與盜力爭既而不如又追而以卑辭  
請物盜怒曰吾活汝宏矣而追吾不已迹將著焉既爲  
盜矣仁將焉在遂殺之傍害其黨四五人焉

夫知時應  
理者事至

而不惑時來而不失動契其真運合於變矣若見名示  
跡不適其時則無往不敗也牛缺不知時其弟亦過分  
亦猶孟氏之二子出於文武哉虞氏者梁之富人也家  
矯名過當者未嘗不如此也

充殷盛錢帛無量財貨無訾登高樓臨大路設樂陳酒  
擊博樓上俠客相隨而行樓上博者射明瓊張中反兩  
掄魚

○案釋文云掄字真經本或作魚六博經作鰈比  
目魚也此言報采獲中翻得兩魚大勝而笑今本

捕魚是多一字也據義用而笑飛鳶適墜其腐鼠而中

之俠客相與言曰虞氏富樂之日久矣而常有輕易人

之志吾不侵犯之而乃辱我以腐鼠此而不報無以立

謹○案釋文音僅勇也准於天下請與若等戮力一志

率徒屬必滅其家為等倫皆許諾至期日之夜聚眾積

○案釋兵以攻虞氏大滅其家前章言學仁義三代以

朝以招禍行之不著飛災所鍾禍福致祥此章言積驕奢一

無門惟人所召此之雙舉誠之深焉東方有人焉曰爰

旌目將有適也而餓於道狐父之盜曰兀見而下壺餐

以舖之爰旌目三舖而後能視曰子何為者也曰我狐

父之人兀也爰旌目曰嘻汝非盜邪胡為而餐

○案張湛本釋



文皆作食音嗣我吾義不食子之食也兩手據地而歐之不出

喀喀然遂伏而死狐父之人則盜矣而食非盜也以人

之盜因謂食為盜而不敢食是失名實者也求名失實遠道喪生

其爰旌目之謂乎有道者不然矣使盜者變其心成乎

仁也身行其道人沐其化君子濟危食之兩全也歐則

雙失又喀喀而柱厲叔事莒敖公自○案釋文自為不

吐偽愚也哉○案釋文一本夏曰則食菱芰○案釋文一本

知已者居海上○案釋文一本夏曰則食菱芰○案釋文一本

矣冬日則食橡栗莒敖公有難柱厲叔辭其友而往死

之其友曰子自以為不知已故去今往死之是知與不

知無辯也柱厲叔曰不然自以為不知故去今死○案釋文

作今死而弗死一字是果不知我也吾將死之以醜後世

本無而弗死三字

之人主不知其臣者也凡知則死之不知則弗死此直

道而行者也柱厲叔可謂慙以忘○案釋文作亡其身者也終

不知已也乃死其身以明彼之不知已豈有道者所揚處乎名之累愚多若是矣與夫全生寶道者遠矣

朱曰利出者實及怨往者害來發於此而應於外者唯

請○案張湛注請當作情釋文音精一本音廣曰古情字或假借作請與盧注異是故賢者

慎所出唯請者若自召之也禍福之來若影與響耳故

棄禮法放情任己以爲達生以仁義爲桎梏以屋宅爲禪

宗之輩忽彼報應人事不修故嵇康之徒死亡而不暇祠

子之豎追之楊子曰嘻亡一羊何追者之衆鄰人曰多

岐路既反問獲羊乎曰亡之矣曰奚亡之曰岐路之中

又有岐焉吾不知所之所以反也楊子戚然變容不言者移時不笑者竟日門人怪之請曰羊賤畜又非夫子之有而損言笑者何哉楊子不答門人不獲所命弟子孟孫陽出以告心都子心都子他日與孟孫陽偕入而問曰昔有昆弟三人游齊魯之間同師而學進仁義之道而歸其父曰仁義之道若何伯曰仁義使我愛身而後名仲曰仁義使我殺身以成名叔曰仁義使我身名並全彼三術相反而同出於儒孰是孰非邪楊子曰人有濱河而居者習於水勇於泅操舟鬻渡利供百口裹糧就學者成徒而溺死者幾半本學泅不學溺而利害

如此若以爲孰是孰非心都子嘿然出孟孫陽讓之曰  
何吾子問之迂夫子答之僻吾惑愈甚心都子曰大道  
以多岐亡羊學者以多方喪生學非本不同非本不一  
而末異若是唯歸同反一爲亡得喪子長先生之門習  
先生之道而不達先生之況也哀哉羊以喻神守神不  
失爲道也一失其  
羊而奔波岐路不可得矣但守其神爲無喪楊朱之弟  
無得而爲無待也多方於仁義者亦若是矣  
曰布衣素衣而出天雨解素衣衣緇衣而反其狗不知  
迎而吠之楊布怒將扑之楊朱曰子無扑矣子亦猶是  
也嚮者使汝狗白而往黑而來豈能無怪哉夫守真歸  
一則海鷗  
可馴若失道變常楊朱曰行善不以爲名而名從之名  
則家犬生怖矣

不與利期而利歸之利不與爭期而爭及之故君子必

慎爲善

求名之善人所必爭故曰爲善無近名者不與人爭利也行人之所不能行而不伐者慎爲善

也昔人言有知不死之道者燕君使人受之不捷而言

者死燕君甚怒其使者將加誅焉幸臣諫曰人所憂者

莫急乎死已所重者莫過乎生彼自喪其生安能令君

不死也乃不誅有齊子亦欲學其道聞言者之死乃撫

膺而恨富子聞而笑之曰夫所欲學不死其人已死而

猶恨之是不知所以爲學胡子曰富子之言非也凡人

有術不能行者有矣能行而無其術者亦有矣衛人有

善數者臨死以決喻其子志其言而不能行也他人問

之以其父所言告之問者用其言而行其術與其父無

差焉若然死者奚爲不能言生術哉或人有非術者云徒能說虛詞以辯

理未有自能行而證之者故疑其所言以爲不實耳故

此章言有知之者有能知而未能行者有能行而不知

者然則知而不行行而不知不行不知雖俱能悟非無

差別矣况聞斯行諸因知而獲悟者豈不賢於不知言

乎邯鄲之民以正月之旦獻鳩於簡子簡子大悅厚賞

之客問其故簡子曰正旦放生示有恩也客曰民知君

之欲放之競而捕之死者衆矣君如欲生之不若禁民

勿捕捕而放之恩過不相補矣簡子曰然夫人知所以善者皆事之

末也若理其本則衆所不能知而功倍於理末者皆若

此也故小慈是大慈之賊耳名教之跡理其末也大

道之功理其本也衆人皆觀其小而不識齊田氏祖於庭

其大者焉故畧舉放鳩以明此大旨也

食客千人中坐有獻魚鴈者田氏視之乃歎曰天之於民厚矣殖五穀生魚鳥以爲之用衆客和之如響鮑氏之子年十二預於次進曰不如君言天地萬物與我並生類也類無貴賤徒以小大智力而相制迭相食非相爲而生之人取可食者而食之豈天本爲人生之且蚊蚋嚼膚虎狼食肉非天本爲蚊蚋生人虎狼生肉者哉夫食肉之類更相吞噉滅天理也豈天意乎鮑子之言得理之當也嘗有俗士言伏羲爲網罟燧人熟肉而食彼二皇者皆聖人也聖人與虎食肉何遠耶釋氏之經非中國聖人約人爲教利人而已矣釋氏是六通聖人約識爲教通利有情焉今列子之書乃齊有貧者常乞復宣明此指則大道之教未嘗不同也

於城市城市患其亟也衆莫之與遂適田氏之廐從馬

醫作役而假食郭中人戲之曰從馬醫而食不以辱乎

乞兒曰天下之辱莫過於乞乞猶不辱豈辱馬醫哉有士

折支舐痔而取進用者亦求衣食也役於賤醫之門者亦求衣食也獲多利則以為榮獲少利則以為恥代人

長者折枝趙岐注折枝案摩折手節解罷技也宋人

○案釋文一有游於道得人遺契者歸而藏之密數其

齒告鄰人曰吾富可待矣舉俗之人迷於空名失於真

齒之數以待富焉亦猶不取乞匄於市而恥受役於人

也而自以為不繫屬於人隨妄人有枯梧樹者其鄰父

言枯梧之樹不祥其鄰人遽而伐之鄰人父因請以為

薪其人乃不悅曰鄰人之父徒欲為薪而教吾伐之也



與我鄰若此其險豈可哉勸之伐樹公言也請以為薪

故曰人之所畏不可不畏勿謂無傷其禍將長此之謂也人有亡鈇者意其鄰之子

視其行步竊鈇也顏色竊鈇也言語竊鈇也動作態度

無為而不竊鈇也俄而相○案張湛本作相釋文胡沒

亦作掘呂氏春秋其谷而得○案張湛鈇他日復見其鄰人之

子動作態度無似竊鈇者事有疑似而招禍者多矣自

德守道無情不私者乃能無白公勝慮亂罷朝而立倒

杖策鍛上貫頤血流至地而弗知也鄭人聞之曰頤之

忘將何不忘哉意之所屬著其行足躓株堦頭抵植木

而不自知也昔齊人有欲金者清旦衣冠而之市適鬻

金者之所因攫其金而去吏捕得之問曰人皆在焉子攫人之金何○案釋文何字下有故字對曰取金之時不見人徒見金張湛云嗜慾之亂人心如此之甚也故曰察秋毫之末者不見泰山之形聽五音之和者不聞雷霆之聲心有所存形有所忘皆若此者也此章言嗜慾不可縱喪身滅性之大也今以喪其身之物意欲厚其身也若能無其身復何用金爲所言無身非謂滅身也蓋不厚而已矣

列子卷八

嘉慶八年癸亥夏四月甘泉吳連寫  
江都秦伯敦父校刊計十六葉

列子盧注攷證

敘論

竊懷智此

智此作知北莊  
子有知北遊篇

天瑞篇第一

能生此生者謂之形神

形字

種之類也

種字上有幾字

求之不

跋

跋作  
獲

黃帝篇第二

不知所生

所字下  
落以字

傷生而知死也

知作

不想能於千載

能字上疑

輕死以尊敬

死作  
先

周穆王篇第三

無制於有當作有何光景之能有光景上脫人以為虛

者同呼為幻夢行人以為夢為實者同呼為真人以為

增人為夢四字損之又損之下之所歸於本而不之

識故偽薄者是人得之焉將所似而誘之是人得之四

本上焉字在識字下

仲尼篇第四

汝知物知物之變遷知物二字重出斯為至矣至字上夫任羣

才以為理因眾物以為用使雞犬牛馬咸得其宜士農

工商各安其位者唯有道者能之耳豈汝曹自致耶汝

徒見其末而不識其本欲以螳螂之臂而拒車轍者是

不知量也鄧析理折而耻見其徒故目之而去也此注原本

為張湛注在鄧析無以應目其徒而退下衆人所窺不

為者有窺字上豈不猶負其能愈於二字

說符篇第八

子姓者子弟之同姓者也据注上文臣之子下脫姓字